

Հր. Շաքարյան

Ա. Մ. ԳԱՐԱԳԱՇՅԱՆԸ ՓԻԼԻՍՈՓԱՅՈՒԹՅԱՆ ԵՎ ՆՐԱ ԶԱՐԳԱՑՄԱՆ ՕՐԻՆԱԶՄԱՓՈԽՅՈՒՆՆԵՐԻ ՄԱՍԻՆ

Փիլիսոփայության պատմության հարցերը Գարագաշյանի թողած տեսական ժառանգության մեջ ղգալի տեղ են գրավում և մեծ հետաքրքրություն են ներկայացնում նրա փիլիսոփայական հայացքների ընդհանուր համար:

Քննարկվող հարցի տեսակետից, նրա գործունեության առաջին շրջանը ընդգրկում է հետևյալ հիմնական գծերով:

40-ական թվականներին, հակառակ իր վարդապետական կոչմանը, Գարագաշյանը ընդգծում է ընդհանուր ռեալիստական փիլիսոփայության անհրաժեշտությունը: Բ տարրերությունը Նվրոպայում տարածված այն սխալ կարծիքի, թե փիլիսոփայության պատմությունը սկսվում է հունական փիլիսոփայությամբ, Գարագաշյանը, վկայակոչելով պատմական հիշատակությունները, պնդում է, թե փիլիսոփայությունը սկզբնավորվում է արևելյան ժողովուրդների՝ հնդիկների, եգիպտացիների, պարսիկների և այլոց մոտ: Սակայն Գարագաշյանը, դեռևս ի վիճակի չէր այդ ժամանակ հին արևելքի կրոնա-դիցաբանական աշխարհայեցողության կողքին տեսնելու նաև մատերիալիստական փիլիսոփայության տարրերը:

Այդ տարիներին նրան հատուկ էր իդեալիզմի ընդգծումը փիլիսոփայության պատմության մեջ. Պլատոնը Գարագաշյանին ներկայանում է Քիրրեւ զհակայ ընդ դաշտս փիլիսոփայութեան¹: Իրեն փորձնական գիտությունների երկրպագու հռչակելով՝ Գարագաշյանը մեծ համարումով է խոսում փիլիսոփայության «հետագա նորոգիչների»՝ Գալիլեյի, Բեկոնի, Դեկարտի, Գասենդիի և Հայդնիցի մասին: Գնահատելով հունական փիլիսոփայությունը և ռեալիստական մեծաքանակ հայտնելով հույների նվաճումների առթիվ, Գարագաշյանը հունական փիլիսոփայության ամենամեծ բացը տեսնում է նրանում, որ այն ստեղծվել է փորձնական գիտությունների բացակայության պայմաններում: Հունական փիլիսոփայությունը առավելապես բնափիլիսոփայություն էր, մինչդեռ, ըստ Գարագաշյանի, բնությունն ուսումնասիրող գիտությունը նախ և առաջ «փորձով ու զննութեամբ է կենդան, քան թէ մտախոհութեամբ»: Ընդ որում Գարագաշյանը միանգամայն օրինական է համարում փիլիսոփայության սկզբնավորումը բնափիլիսոփայությամբ, որովհետև մարդու գործունեության առաջին պայմանը, նրա կարծիքով, մարմնական պահանջների բավարարումն է, որը իրականացվում է ոչ այլ կերպ, քան բնության քննությունով:

¹ Ա. Մ. Գարագաշյան, Նկարագիր ուսմանց, Վիեննա, 1845, էջ 298:

Սրանք են այն հիմնական դժերը, որոնք բնորոշում են Գարագաշյանի 40-ական թվականների հայացքները փիլիսոփայություն պատմության վերաբերյալ: Արդեն 60-ական թվականներին Գարագաշյանը դեիստական անհետևողականություն պաշտպանում է մատերիալիզմի սկզբունքները: Այս շրջանին են վերաբերում նրա հիմնական փիլիսոփայական աշխատությունները «Սկզբունք տրամաբանության», «Համառոտ փիլիսոփայություն» և «Համառոտ պատմություն փիլիսոփայության»:

Գարագաշյանը փիլիսոփայությունը համարում է ճշմարտության ճանաչման մեթոդ, որը ցույց է տալիս, թե մարդկային միտքն ինչ ճամբով հասած է և կը հասնի ճշմարտության: Այդ պատճառով էլ նա գրտնում է, որ փիլիսոփայական դիտությունը թիր պատմության կը լուսավորվի, այսինքն՝ իր պատմության մեջ է երևում նրա իսկական էությունը, թե ինչպես է այն իր զարգացման ճանապարհին բազմաթիվ խոտորումներով մոտենում ճշմարտությանը: Ըստ Գարագաշյանի՝ «...փիլիսոփայությունը մարդկային մտքին այն փանքն է, որով կուղե գիտնալ, թե քն օրենքներով կը ճանչնա զինք և իրմե դուրս եղող բնական և բարոյական իրողություններ, և թե՛ իր աս նկատմամբ ունեցած ծանոթությունները կամ դիտությունը ճշմարիտ է, ճշմարիտ կրնա ըլլալ և ինչպես կրնա ըլլալ»: Իսկ փիլիսոփայության պատմությունը այս «մեծամեծ խնդիրներ» բնագավառում «մարդկային մտքին ըրածներուն և անոնցմե փիլիսոփայության պատահած անցքերուն հիշատակությունն է»:

Գարագաշյանը փիլիսոփայության պատմությունը դիտում է որպես օրինաչափ զարգացում ունեցող մի սլրոցես, որը, նրա ըմբռնմամբ, անցել է ծայրահեղ խոտորումների մի վերընթաց հաջորդականություն: «Մարդկային մտքի այն հանգուգն որոշումներուն և ծայրահեղ խոտորմանց արդյունքն է,— գրում է Գարագաշյանը,— որ մենք հասած ենք հիմա ճշմարիտ մեթոդի մը, այսինքն՝ այն սկզբունքին, որ կը ցուցնե, թե ինչ ճամբա բոնել հարկ է այլ և այլ սեռի ճշմարտությանց հասնելու համար»: Գարագաշյանը նման ճշմարիտ մեթոդ է համարում «գիտական փորձառություն»: Եյնելով այդ սկզբունքից, բեկոնյան մեթոդը նա ոչ թե առանձին, մեկուսացված երևույթ է համարում «փիլիսոփայական աշխարհում», այլ «փիլիսոփայական դրությունց շղթային մեկ օղակը»:

Այստեղ գնահատելին այն է, որ փիլիսոփայության զարգացման սլրոցեսը դիտվում է հակադիր ծայրաթևերի զարգացման ձևով: Սակայն փիլիսոփայության զարգացումը այդ կերպ բնկալելով, Գարագաշյանը դեռևս հեռու է հիմնական հակադրությունը իդեալիզմի և մատերիալիզմի պայքարի մեջ տեսնելուց: Նա արդեն 80-ական թվականներին մամանակի տեխնիկայի հզոր նվաճումների մեջ հետագա փիլիսոփայական ոեոլյուցիայի սաղմն էր տեսնում, որի իրականացման դեպքում նրա կարծիքով, կապահովվի մարդկային գործողությունների բանական դեկավարումը¹:

Գարագաշյանը գտնում է, որ բոտ փիլիսոփայական սլրոլեմների տարրեր կողմերի քննություն, կազմավորվում են որոշակի փիլիսոփայական

¹ Ա. Մ. Գարագաշյան, Համառոտ պատմություն փիլիսոփայության, Կ. Պոլիս, 1888, էջ 5:

² Նույն տեղում:

³ Տե՛ս «Երկրագունդ», 1886, հուլիս:

գայրոցներ, կամ, ինչպես ինքն է ասում, «զրույթյուններ»։ Աս զրույթյունները շատ են, բայց հնգի կրնան վերածվիլ զգայականություն (sensualisme), ոգեկանություն (spiritualisme), սկեպտականություն (scepticisme), խորհրդականություն (misticisme) և ընտրականություն (eclectisme)¹։

Ակնհայտ է, որ այստեղ Գարագաշյանը չի տարբերում բաժանման հիմքի օնտոլոգիական ու գնոսեոլոգիական կողմերը և հատկապես հենվում է վերջինիս վրա։ «Զգայականությունը» Գարագաշյանի մոտ ըմբռնվում է մատերիալիստական սենսուալիզմի իմաստով, բայց որի իրական և ճշմարիտ են համարվում միայն զգայությունները, ռուրիշ գաղափարները, որոնց առարկաները զգալի չեն կամ զգայությանց տակ չեն իյնար՝ իրական և ճշմարիտ չեն համարվում։ Իսկ ռուրիշ գաղափարները, որոնց առարկաները զգալի չեն կամ զգայությանց տակ չեն իյնար՝ իրական և ճշմարիտ են համարվում միայն իմացական, հոգևոր գաղափարները, այսինքն՝ այն գաղափարները, որոնք չեն կարող լինել ստացվին, զգալի գաղափարաց իրականություն և ստուգություն չեն տար։ Իմացաբանության մեջ գոյություն ունեցող այս երկու հոսանքներից էլ նա բխեցնում է փիլիսոփայական հիմնական ուղղությունները՝ մատերիալիզմը և իդեալիզմը։ «Զգալի գաղափարները միայն իրական համարել են կը հետևի, — գրում է Գարագաշյանը, — որ զգալի իրերը միայն իրական գոյություն ունեն, և որովհետև զգալի իրերը նյութական են, ապա նյութին ուրիշ իրական գոյություն ունեցող բան չկա, նյութական կամ բնական աշխարհին ալ ուրիշ աշխարհ չկա։ Աս է նյութականությունը։ Ոգեկանութիւնն ալ առաջ կուգա գաղափարականությունը։ Եթե իմացական կամ հոգևոր գաղափարներ միայն իրական են, կը հետևի, թե նյութական գոյություն ունեցող բան չկա, ուստի և զգալի աշխարհը սոսկ երևույթ կամ գաղափար է։ Աս է գաղափարականությունը»²։

Դանի որ առաջինները ընդունում են լոկ նյութի գոյությունը, իսկ երկրորդները՝ լոկ գաղափարները, ապա տիեզերքի առաջացման պատճառի հարցում առաջինները անհրաժեշտորեն ելնում են նյութից, որպես սկզբնական պատճառից, իսկ երկրորդները՝ մի որևէ ընդհանուր գաղափարից, որից առաջանում են մնացած գաղափարները։ Առաջինը կոչվում է «նյութական ամենաառաջնություն», երկրորդը՝ «գաղափարական ամենաառաջնություն»։

Ինչպես տեսնում ենք, չնայած Գարագաշյանի մոտ փիլիսոփայական երկու հիմնական ուղղությունները տարբերվում են իրարից, այնուամենայնիվ, նրանց էությունը հստակորեն չի բացահայտված։ Փիլիսոփայական ուղղությունների բնորոշման հիմքում նա դնում է ոչ թե նյութի կամ գաղափարի առաջնության, այլ նրանց ընդունման կամ ժխտման հարցը։ Ոչ ալ կլինի այս ոչ ճիշտ սահմանումից ելնելով, եզրակացնել, թե Գարագաշյանի դավանած մատերիալիզմը գոհնիկ մատերիալիզմ է։ Իրականում Գարագաշյանը երբեք չի ժխտում հոգեկանի գոյությունը և երբեք այն չի նույնացնում նյութականի հետ։ Այստեղից միայն կարելի է այն եզրակացությունը հանգել, որ Գարագաշյանը մատերիալիզմ հասկացություն տակ նկատի ունի այդ տարիներին զգալի չափով տարածված գոհնիկ մատերիալիզմը։

¹ Համառոտ պատմություն փիլիսոփայության, էջ 71։

² Նույն տեղում, էջ 81։

60-ական թվականներին նրա կողմից արստրալիտ մտածողությունը որոշ չափով ինքնուրույն նշանակություն տալը պետք է բացատրել ոչ այլ կերպ, քան գոեհիկ մատերիալիզմից սահմանադատվելու մի փորձ։ Սակայն այդ ձգտումը մի այլ ծայրահեղություն առաջացնելով՝ արստրալիտ հասկացությունների բնութագրման մեջ հասցրեց նրա հայացքների կանտականություն կրանդներով երկակիությունը։ Գարագաշյանը գտնում է, որ փիլիսոփայական մյուս բոլոր հոսանքներն այս կամ այն կերպ հակվում են դեպի իդեալիստական կամ մատերիալիստական ուղղությունները։ Խոսելով Պլատոնի ու Արիստոտելի մասին և ընդգծելով վերջինիս մոտիմացարանության հարցերում մատերիալիստական տենդենցները, Գարագաշյանը գտնում է, որ առաջինի միտումը գաղափարականություն է, երկրորդինը՝ զգացականություն։ Կրնա ըսվի, թե փիլիսոփայության ճակատագիրն է հակել առ երկու դրությամբ մեկուն»¹ (ընդգծումն իմն է։—Հր. Շ.), մի երկույթ, որը, նրա կարծիքով, նկատվում է նաև արդի փիլիսոփայության բոլոր փուլերում։ Հետաքրքիր է, որ մատերիալիզմի և իդեալիզմի, որպես փիլիսոփայության երկու ուղղությունների մասին Գարագաշյանի այս միտքը հայ գրական որոշ շրջաններում ընդունվում էր որպես ժամանակին ճանաչված միակ ճշայն փիլիսոփոսի, հեղինակավոր արտահայտություն²։

Մատերիալիզմի և իդեալիզմի ըմբռնումը որպես փիլիսոփայական երկու հիմնական ուղղություններ՝ Գարագաշյանի մոտ սոսկ մնում է իբրև գաղափարական երկու հնարավոր տարբերությունների» ըմբռնում։ Իդեալիզմի և մատերիալիզմի պայքարը նրան ներկայանում է լոկ իբրև թեորիական պայքար։ Այդ տարբերման հիմքը նա միայն փորձում է փնտրել իմացարանության բնագավառում՝ մատերիալիզմի հիմքում դնելով սենսուալիզմը, իդեալիզմի հիմքում՝ ուսցիոնալիզմը։

Այդ է պատճառը, որ նա ռեալիզմը ուղղակի կապում է Պլատոնի իդեալիզմի հետ՝ ոչ թե առաջինը բարձրացնելով երկրորդի աստիճանին, այլ երկրորդը իջեցնելով առաջինի աստիճանին, իսկ մատերիալիզմը կապում է Արիստոտելի սենսուալիզմի հետ։ Մինչդեռ նոմինալիզմը և ռեալիզմը չեն նույնանում մատերիալիզմի և իդեալիզմի հետ։ Նոմինալիզմը ժընդհանրապես հանդիսանում է մատերիալիզմի առաջին արտահայտությունը միջին դարերում (Մարքս)։ այն դեռևս մատերիալիզմ չէ։ Վ. Ի. Լենինը քննադատելով Ստրուվեին՝ այս կապակցությամբ գրել է. «Իհարկե, միջնադարյան նոմինալիստների և ռեալիստների պայքարում անալոգիա կա մատերիալիստների և իդեալիստների պայքարի հետ, բայց թե անալոգիաներ, թե պատմականորեն հաջորդական կապ կարելի է սահմանել դեռ շատ ու շատ թեորիաների միջև ընդհուպ մինչև ոչ միայն միջին դարերը, այլև մինչև հին դարերը։ Մատերիալիզմի պատմության հետ թեկուզ միջնադարյան վեճերի կապը լրջորեն ուսումնասիրելու համար կպահանջվեր առանձին հետազոտություններ»։

¹ Համառոտ պատմության փիլիսոփայության, էջ 31։

² Տե՛ս «Երկրագունդ», 1870, № 31, «Տեսություն փիլիսոփայության վրա» հոդվածը։

³ Վ. Ի. Լենին, Երկեր, հ. 20, էջ 230։

Իր հետագա գաղափարական էվոլյուցիայի ընթացքում Գարագաշյանը հաղթահարում է նաև մատերիալիզմի և իդեալիզմի նման ըմբռնումը: Այս առաջընթացը զգալի չափով կապված է նրա պատմական ուսումնասիրությունների և հասարակական կյանքի որոշ մոմենտների գրական ըմբռնումների հետ: Հատկապես այս տեսակետից ուշագրավ են Գարագաշյանի գիտողությունները Հոռիի գասակարգային կառուցվածքի ու գասակարգային պայքարի մասին¹, ինչպես նաև նրա փորձերը, կապ տեսնելու գաղափարական սխտեմների և տնտեսական շահերի միջև: Ահա թե նա ինչ է գրում 1886 թ. «...որչափ իրաց կարգեր կան յաշխարհի, յորոց կը տառապին մարդիկ և որ կը մնան, վասն զի այն կարգած գլուխք, այլ և այլ պատճառներով, սիրելի են ոչ ոսմկին միայն, այլև կրթյալ մարդոց: Այս վերջինք կամ շահ ունին իրաց տիրող կարգեն, որ հարմարած է նույն անձնական շահերու և կամ վասն զի կը կարծեն, թե գաղափարաց փոքր ինչ փոփոխությունն անգամ, մանավանդ երբ գաղափարք եղած ընկերական հաստատություն իրիք հիմն, կրնա բերել վնաս մեծ հասարակաց շահուն»²: Գարագաշյանը առաջընթաց քայլ է կատարում նաև երկու հիմնական ուղղությունների իմացարանական ըմբռնման տեսակետից. նա իդեալիզմը մեղադրում է ոչ թե ընդհանրապես նյութականի ժխտման՝ սոլիսիզմի համար (որպիսի անհեթեթություն հասնող հետևողականություն ոչ մի սուբյեկտիվիզմ իրեն թույլ չի տա), այլ նրա՝ ընածին իդեաների ընդունման համար:

Ըստ Գարագաշյանի, վերոհիշյալ ուղղությունների հակադիր և փոխադարձաբար ժխտող վիճակը որոշ հնարավորություն է ստեղծում մի այլ «գրություն»՝ սկեպտիցիզմի առաջացման համար. «...ոմանք իմացական աշխարհ, ոմանք ալ նյութական աշխարհ ուրանալով՝ ճամբա բացած կըլլան ուրիշ գրություն մը, որ ամեն բան կուրանա և բան մը չուզեր հաստատել, ըսելով, թե մարդու համար ճշմարտություն չկա և եթե կա՝ մարդ զայն չի կրնար գտնել, ուստի և ամեն բան, եթե ոչ ոչինչ, դեթ անստույգ և տարակուսական է: Աս է սկեպտիկանությունը, որ ամեն գրություն ուրացում է, մանավանդ քան թե գրություն»³: Եթե էլեացիները «զգալի աշխարհի գոյությունը և զգայությունց ստուգությունը ուրացան», բանականությունը զինեցին զգայությունների դեմ, ապա սոփեստ Գորգիասը ուրացավ նաև իմացական աշխարհի գոյությունը և բանականությունը զինեց հենց իր՝ բանականության դեմ: Գարագաշյանը սկեպտիցիզմը միասնական հոսանք չի համարում, նրա մեջ տեսնում է տարրեր ձևեր: Նա անարգատի չի համարում այն տարակուսանքը, որի նպատակը ճշմարտության հետամուտ լինելն է. «Տարակույսը կամ ուրացումն իրավացի է, երբ ճշմարտություն հասնելու նպատակով է»: Եթե Գեկարտի մոտ տարակուսանքը «միջոց միայն է ճշմարտության հասնելու», ապա Պիրրոնի մոտ այն զենք է ճշմարտությունը անիրական և անհասանելի հռչակելու համար: Դրանով Գարագաշյանը մոտենում է այն ճշմարտության ըմբռնմանը, որ

¹ Տե՛ս Ա. Մ. Գարագաշյան, Քննական պատմություն հայոց, մասն Բ., էջ 81—82:

² «Սրկրագունդ», 1886, հունիս:

³ Համառոտ պատմություն փիլիսոփայության, էջ 9:

Եթե հին հունական փիլիսոփայության մայրամուտին ծագած սկեպտիցիզմը ուղղված էր մարդկային իմացական կարողության ու գիտության դեմ, ապա նոր ժամանակի փիլիսոփայության արևածագին ծնունդ առած սկեպտիցիզմը ամբողջապես ուղղված է ճշմարտության տեղ ընդունված անցյալի անառողջ ժառանգության դեմ, ռոբակոֆի գիտության շինվածք նոր հիմանց վրա նորոգ կանգնե՞լ: Մական լինելով մետաֆիզիկ Դարագաշյանը չկարողացավ դրա հետ միասին անտիկ սկեպտիցիզմի մեծ տեսնել այն, որ վերջինս ադոտ ձևով նկատել էր օբյեկտիվ իրականության և մարդկային մտածողության մեջ գոյություն ունեցող դիալեկտիկան:

Ընկալես փիլիսոփայական երկու հիմնական ուղղությունների ըմբռնման կապակցությամբ տեսանք, այստեղ նույնպես Դարագաշյանը փորձ անգամ չի անում կապ տեսնելու սկեպտիցիզմի առաջացման և տվյալ դաժնջանի հասարակության սոցիալ-տնտեսական հարաբերությունների միջև:

Դարագաշյանի կարծիքով սկեպտիցիզմի նման՝ մարդու իմացական կարողություններին չվստահելու բացատրություն է տալիս նաև «խորհրդակաճությունը» (misticisme). սրա հետևորդները, հուսահատվելով մարդկային մտքի հակասություններից ու «ուրացումներից», «աստուծոճմե միայն կսպասեն ընդունել դայն, եթե ոչ ուղղակի՝ հայտնությունամբ, գեթ անուղղակի՝ ազդեցությամբ»: Սրանցից է Փիլոն Ալեքսանդրացին, որը ձգտում էր հունական դիցարանությունը հաշտեցնել հրեական կրոնի հետ, «Պյութակոթոս և Պդատոնի գաղափարական փիլիսոփայությունն ալ՝ նույն գրոց հավատո վարդապետություններու հետ», որի արդյունքը, ինչպես հայտնի է, քրիստոնեությունն է:

Իսկ «ընտրակաճությունը» կամ էկեկտիցիզմը, ըստ Դարագաշյանի, այն հոսանքն է, որ ոչ մի «դրություն» բացարձակ չհամարելով, բոլորի սկզբունքներից էլ օգտվում է ընտրությամբ: Դարագաշյանը գտնում է, որ փիլիսոփայության զարգացման բոլոր շրջաններում էլ հնարավոր է այդ հոսանքների գոյությունը:

Այժմ տեսնենք, թե նա ինչպես է պատկերացնում փիլիսոփայության զարգացումը: Դարագաշյանի կարծիքով փիլիսոփայության զարգացումը զուգակցվում է ինչպես փիլիսոփայության առարկայի, այնպես էլ մեթոդի ու սկզբունքների փոփոխման հետ: Նախ նշենք, որ Դարագաշյանը տալիս է փիլիսոփայության պատմության հետևյալ պերիոդիզացիան, որը, ի դեպ, հետո չէ փիլիսոփայության զարգացման հիմնական շրջաններն ընդգրկելուց.

- ա) Նախնական փիլիսոփայություն—Թալեսից Սոկրատ:
- բ) Միջին փիլիսոփայություն—Սոկրատից Ալեքսանդրյան շրջան:
- գ) Խառը փիլիսոփայություն—Ալեքսանդրյան շրջանից Բեկոն:
- դ) Արդի փիլիսոփայություն — Բեկոնից իր ժամանակները:

Դարագաշյանի կարծիքով նախնական շրջանի փիլիսոփայության առարկան տիեզերքն էր կամ բնությունը: Այս փիլիսոփայության նախահայրը Թալեսը առաջինն էր, «...որ հին դիցարանական և բանաստեղծական պատմությունները կամ ավանդությունները մերժելով ուզեց բնությունը բնությամբ մեկնել, ուստի և հին ավանդության կամ հավատքին տեղ դրավ բնական (ֆիզիկա

կան) դրություն մը՝ Որպես այդպիսին, Թալեսի հիմնադրած միլեթյան դպրոցը «զգացական» է, այսինքն՝ մատերիալիստական, մինչդեռ նույն ժամանակին վերաբերող խոսքերն ունենում են այլ իմաստով, քանի որ ժողովրդի խելագարությունը հարաբերության մեջ է գտնում՝ «զգացական» է, այսինքն՝ իդեալիստական։

Սուրբատից մինչև Ալեքսանդրյան շրջանի փիլիսոփայության առարկան «մարդաբանական» է, այսինքն՝ մարդա քննելի ճամբար կ'ելլե բնության երթուղու համար։ Այս շրջանի փիլիսոփայությունը հիմնականում պարզվում է բարոյականության հարցերով։ Գարագաշյանի կարծիքով մինչև այդ դրություն ունեցած փիլիսոփայական ուղղությունները այնքան խոռոչացած չեն, որքան էին թողել հունական մտքի վրա, որ անգամ բարոյականության սահմաններում էլ փիլիսոփայությունը շարունակում է «զգացական» կամ նյութական, ոգեկան կամ գաղափարական ըլլալ։ Առաջինին են պատկանում՝ «շնականները» (կինիկյան), կյուրենյան և էպիկուրյան դպրոցները, երկրորդին՝ Սուրբատը և ստոիկները։ Երկրորդին է, որ Գարագաշյանի տված այս տարրերում հիմքը ոչ թե բարոյականության՝ որպես հասարակական երևույթի բացատրություն մեջ է, այլ սոսկ հարցադրման երկրային ու երկնային նորմաների մեջ, որովհետև օրինաչափ կերպով, ինչպես ինքը՝ Գարագաշյանը ի վիճակի էր հասկանալու բարոյականության մատերիալիստական ըմբռնումը, առավել ևս հին աշխարհի մտածողները չէին կարող այս բնագավառում մատերիալիստներ լինել։

Միջնադարյան փիլիսոփայության առարկան աստվածաբանական էր։ Գարագաշյանն այս շրջանի հիմնական հատկություններն է համարում «թրիստոնեական» համատեղ նյութերու վրա փիլիսոփայական ոճով խոսիլը, որն փիլիսոփայական խնդիրներ ամենեին չհուղել, այսինքն փիլիսոփայությունը կրոնքին միայն ծառայեցնել, ուստի և այս ժամանակին սկզբունքն էր, թե փիլիսոփայությունը աստվածաբանության աղախին է. *philosophia theologiae antilla*²։

Վերջին շրջանի փիլիսոփայության (Իեկոնից իր ժամանակները) առարկան «հոգեբանական» է, այսինքն՝ մարդկային հոգիին կամ եսին ճամբար կ'ելլե նյութական և աննյութ ոչ եսին երթուղու։ Այս ըմբռնումը ոչ թե սուբյեկտիվիստական իմաստ ունի, այլ մարդու կողմից իրականության ճանաչման նշանակությունը։ Փիլիսոփայության առարկայի ընդհանուր գծերով ճիշտ ըմբռնված այս փոփոխությունները, ինչպես նկատեցինք հիմնական հոսանքների վերլուծության ժամանակ, Գարագաշյանի մոտ չեն զուգակցվում հասարակության սոցիալ-տնտեսական հարաբերությունների ու գիտության զարգացման հետ։

Այժմ տեսնենք, թե Գարագաշյանն ինչպես է պատկերացնում մեթոդի (որ նրա համար ճանաչողության միջոց է) հարցերի զարգացումը փիլիսոփայության պատմության մեջ։ Փիլիսոփայության առաջին շրջանում, հունական բնափիլիսոփաների մոտ ճանաչողության մեթոդը հիմնականում «ենթադրական» էր, այն իմաստով, որ նրանց հետադոտությունները զուրկ էին գիտական փորձից և իրենց օրոնումների մեջ զեկավարվում էին

¹ Համոռոտ պատմություն փիլիսոփայության, էջ 13։

² Նույն տեղում, էջ 48։

ենթադրություններով: Օրինակ՝ թալեսը ենթադրում էր, թե տիեզերքի սկիզբը ջուրն է, որն այլ գոյացությունների փոխվելով՝ տվել է ժամանակակից աշխարհը: Երկրորդ շրջանի փիլիսոփայության մեթոդը «ընծայական է (deductif)՝ այսինքն՝ սկզբունքներե առ հետևություն, կամ ընդհանրո՝ ի մասնավոր»։ Երրորդ շրջանի (միջնադարյան) փիլիսոփայության մեթոդը ենթադրական և սեփականությամբ է, իսկ վերջին շրջանի փիլիսոփայության մեթոդը «փորձառական» է, այսինքն՝ «գիտողությամբ և փորձով ստուգել իրողությունները և ի մասնավորե գալ ընդհանուրն մակածությամբ»։ Այս վերջինը Գարագաշյանը համարում է ճշմարտություն փնտրելու և ապացուցելու միակ գիտական մեթոդ, որի ստեղծողները հանգիստացան Բեկոնը և Դեկարտը:

Հայտնի է, որ Ֆ. Բեկոնը քննադատության տակ առավ արիստոտելյան դեդուկտիվ մեթոդը, ըստ էության՝ քննադատելով նրա միջնադարյան սխոլաստիկ աղավաղումները: Այս կասկածնությունները Գարագաշյանը կարևոր գիտողություն է անում՝ խիստ համարելով նրանց հայացքները, ովքեր կարծում են, թե փորձը և ինդուկցիան մտցնելով՝ Բեկոնը հերքեց Արիստոտելին: Սրանք ելնում են այն դրությունից, թե Բեկոնի կողմից ինդուկցիա մեթոդը գեմ է արիստոտելյան տրամաբանությանը, ուր յուրաքանչյուր մտահանգման գործողության մեջ ընդհանուր նախադրյալ գոյություն ունի, մինչդեռ ինդուկտիվ մտահանգման մեջ այն չկա: Գարագաշյանը գտնում է, որ նման կարծիքները շուտով չքացան, հենց որ ճշմարիտ գիտողությունները եկան ապացուցելու, որ ինդուկտիվ մտահանգման մեջ անգամ չլուծվեցին իմացված ընդհանուր նախադրյալ մը, մեծագույն մը, կա՞ն: Գարագաշյանի համար ինդուկցիան և դեդուկցիան միտքի զատ զատ գործողություններ չեն, այլ միևնույն գործողությունն է, որ յանձնով միտք իմաստասիրություն կոչվի: Հայտնի է, որ նոր շրջանի փիլիսոփայության մեջ դեդուկցիայի և ինդուկցիայի գնահատման հարցում երկու ծայրահեղություններ գոյություն ունեին, մի կողմից՝ դեդուկցիայի բարձրացումը մինչև երկինք և արհամարհական վերաբերմունք ինդուկցիայի կատմամբ, մյուս կողմից՝ ինդուկցիայի անսխալական հայտարարելը և այն որպես միակ գիտական մեթոդ ներկայացնելը: Առաջինները իդեալական գիտության նմուշ էին համարում մաթեմատիկական, երկրորդները՝ փորձնական գիտություններ՝ իրենց միակողմանի աղավաղվածության մեջ: Հայտնի է, որ փորձնական գիտությունների ձևավորման արշալույսին ծագած ինդուկտիվիզմը անմեղ արդյունք է հանդիսացել դարգացման ծայրաբևեռային սկզբունքին (ծայրահեղությունները հաղթահարվում են ծայրահեղություններով), իսկ 19-րդ դարի կեսերին, երբ գիտությունը բավականաչափ փաստեր էր կուտակել միակողմանիությունից դուրս գալու համար, փորձը և միայն փորձը գովող համար ինդուկտիվիզմը արդեն դադարում է անմեղության քողը կրելուց:

Այս հանգամանքները նկատի ունենալու դեպքում ավելի հասկանալի կդառնա ճանաչողության պրոցեսում ընդհանուրի և մասնավորի, դեդուկցիայի և ինդուկցիայի միասնության ըմբռնման Գարագաշյանի փոր-

¹ Ա. Մ. Գարագաշյան, Սկզբունք տրամաբանության, Կ. Պոլիս, 1864, էջ 187:

² Նույն տեղում, էջ 188:

ձի, ինչպես նաև միակողմանի ինդուկտիվիզմի քննադատության կարևորությունը:

Բեկոնին, որին Մարքսը բնորոշել է իբրև «անգլիական մատերիալիզմի և ընդհանրապես նորագույն ժամանակի փորձնական գիտությունների նախահայր»¹, Գարագաշյանը համարում է ճշմարիտ գիտության ու փիլիսոփայության հիմնադիրն ու ոգեշնչողը: Նրա կարծիքով գիտության մինչև այժմ ունեցած առաջագիմությունը «և բնությունը ուսանելու մեջ մարդկային մտքին արած առաջագիմության առաջին պատիվը» Պագոնին կը վերաբերի, քանզի ան ցուցուց նախ, թե բնության հաղթելու համար պետք է նախ անոր հնազանդիլ², այսինքն՝ նախ պետք է ցույց տրվի, որ մարդը մյուս կենդանի էակներին համահավասար ենթակա է բնության օրենքներին: Այս պայմանը, ըստ էության, ինչպես Գարագաշյանի, այնպես էլ 19-րդ դարի երկրորդ կեսի հայ պրոգրեսիվ մտածողների մոտ, ներկայանում է որպես մարդուն իր մարդկային իրավունքների մեջ ճանաչելու առաջին քայլ, նրան գերբնական վիճակից հանելու և իր բնական տեսքը տալու առաջին գործողություն: Միայն մարդկային բնության իրական-բնական բացատրությամբ կարելի է հասնել բնության հաղթանակին: Հայ իրականության համար, որտեղ դեռ նոր էր ոտք դրել բուրժուական վերակառուցման էպոխան, օրինաչափ կերպով ընդգծվում էր մարդու կապը կենդանական, բնական աշխարհի հետ, շեղվում նրա բիոլոգիական անտրոպոլոգիական կողմերը: Այս ֆոնի վրա ինքնին հասկանալի է դառնում Բեկոնի նկատմամբ ունեցած Գարագաշյանի մեծ համակրանքը: Նախորդ փիլիսոփայական մեթոդների համեմատությամբ Բեկոնի մեթոդի առավելությունը, ըստ Գարագաշյանի, այն է, որ եթե նոր մեթոդը մասնավոր փաստերը քննելով ընդհանուր սկզբունքներ է հանում, ապա հին փիլիսոփայության մեջ ենթադրաբար ընդհանուր սկզբունքներ էին փնտրում, որպեսզի նրանցով «մասնավոր իրողություններ մեկնեն» այստեղից էլ բխում է հին մեթոդի երկրորդ սխալը՝ նրա սուբյեկտիվիզմը, ի հակադրություն նոր մեթոդի, որի հիմքը «առարկայական (objectif) այսինքն՝ նույն իսկ բնությունն է»: Գարագաշյանը համակարծիք է նաև Բեկոնի՝ մարդկային գիտելիքների հարաբերականությանը վերաբերող դրույթի հետ, «քանզի գիտողությունն ու փորձը վախճան չունին, ուստի և կրնան միշտ նոր իրողություններ առաջ բերել, որոնց առջև տեսական դրույթները (theorie), որ մակածության ծնունդ է, պարտի խոնարհիլ: Արդի փիլիսոփայությունը գիտէ, որ թեորիաները շարժուն կանոններ են (canones mobil'ites), գիտության կերպն են, եթե խորը (le fond) կը փոխվի, կերպն ալ պետք է փոխվի»³:

Գարագաշյանը յուրահատուկ մեկնաբանություն է տալիս Բեկոնի ու Դեկարտի նորմալություններին, որպես իրար լրացնող մի մեթոդի, որը կերպարանափոխեց գիտության վիճակը. «Պագոն զգացական ըլլալով, — գրում է Գարագաշյանը, — կը ցուցանե, թե ինչպես պետք է բնությունը քննել: Տեքարդ ոգեկան ըլլալով, կը ցուցնե, թե ինչպես պետք է խորհիլ»:

¹ К. Маркс и Ф. Энгельс, Соч., т. 3, 1923, стр. 157.

² Համառոտ պատմություն փիլիսոփայության, էջ 60:

³ Նույն տեղում, էջ 61:

բայց երկուքին ալ առաջարկած միջոցը փորձառությունն է: Պագոն տեսաւ, որ իրողություններ աղէկ ճանչնալու համար զանոնք աղէկ ստուգել պետք է: Բայց իրողություններ ճանչնալու համար պետք է նաեւ աղէկ մտածել, Ասիկա ալ տեսաւ Տեքարդը¹:

Գարագաշյանի մոտ գնահատւում է ոչ թե Դեկարտի՝ բանականության աստվածային ծագման վերաբերող պնդումը, կամ իրերին նախորդող բնածին գաղափարների ընդունումը (որոնք նրան քաջ հայտնի են և նրա կողմից որակւում են իրրեւ սպիրիտուալիզմ), այլ փորձից բացի բանականության դերի ընդունումը ճանաչողության պրոցեսում: Եթե Բեկոնը ճանաչողության հիմնական ծանրությունը գցեց զգայականի վրա, ապա Դեկարտը մյուս ծայրահեղության մեջ ընկնելով՝ ճանաչողության հիմնական բեռը գրեց բանականության ուսերին: Այս ծայրահեղությունները, ինչպէս ամեն մի միակողմանիություն, բացարձակ են դարձնում որեւէ միասնական պրոցեսի այս կամ այն կողմը, դրանով իսկ կանգնում իրական կապերի աղճատման շեմքին: Գարագաշյանը նախ կերպով այն համոզմունքն է հայտնում, որ այդ երկու մտածողները ոչ թե որոշ սահմաններում իրար են հակադրել ճանաչողության զգայական և տրամաբանական կողմերը, այլ մեկը գտել է առաջինի դերը, մյուսը՝ երկրորդի և, այսպիսով, ստեղծել են մի միասնական գիտական մեթոդ, որը և հանդիսանում է նոր ժամանակի գիտության հիմքը: Նա, ըստ էության, առողջ գատողության համար անընդունելի և անհասկանալի է համարում իդեալիզմը: Դրա լավագույն ապացույցն է Բեկոնի հայացքների շարադրանքը և կատեգորիկ առարկությունը գաղափարների իդեալիստական բացատրության նկատմամբ: Բեկոնի գպրոցը մատերիալիստական է: Բեկոնը ճշ էսը, կամ առարկական աշխարհը դրով ամեն ծանոթության աղբյուր, և զգայությունները՝ գործիք կամ միջոց առարկական աշխարհին ազդեցություններն ընդունելու: Իրականության գուալիստական ըմբռնման համար, այսինքն՝ հոգու և նյութի ձևով, ճշ փաստ, ոչ ալ հարկ կա: Վստահաւ և փաստ չունինք ըսելու, թե պարզապէս հոգեւոր կոչւած կարողությունները, զոր օրինակ՝ գիտակցությունն ու բանը, զգայութեան անկախ կարողություններ են, և ասոր պատճառը սա է, որ հոգին, իրր ոգի, իր մաքուր վիճակին մեջ չենք ճանչնար, ուստի և կրնանք ըսել, թե մեր բոլոր գաղափարներուն սկիզբը և սերմը զգացողությունն է: Վիտակցության և Բանին գաղափարները զգացողութեան առաջ չեն, ոչ ալ անկե անկախ, թեպէտ մենք զանոնք անկե անկախ կը մտածենք, ինչպէս որ ընդհանուր վերացյալ գաղափարներ կը մտածենք իրերեն զատա՞, Այսպէս ըմբռնելով Բեկոնին ու Դեկարտին և դրանց միացնելով Կանտին, Գարագաշյանը այդ երեք մտածողներին համարում է Վարդի փիլիսոփայության պարագլուխներ, որոնք Վայլ և այլ կերպով գիտնական հետազոտության ուղղությունը վերացյալին՝ թանձրացյալի, տեսականն գործնական գարձուցին: Ընդ որում նա Կանտի մեծությունը տեսնում է նրանում, որ վերջինս Վստքին գաղափարներուն մեջ կտրուկ զանազանություն մը ընկելով՝ բունը կամ առարկայականը կերպականն կամ ենթա-

¹ Համառոտ պատմություն փիլիսոփայության, էջ 58:

² Նույն տեղում, էջ 64—65:

կայականեն զատեցա՞ւ, Խնչպե՞ս այդ տեսանք Դեկարտի վերաբերյալ, այստեղ էլ Գարագաշյանը Կանտի մոտ գնահատում է այն, ինչ իրոք դրական ներմուծություն է թեորիական մտածողության մեջ, այն է՝ օբյեկտիվ առարկայի և նրա սուբյեկտիվ արտացոլման տարբերման հարցը: Իսկ ինչ վերաբերում է Կանտի մոտ այդ տարբերության բացարձակ դարձնելուն, ապա այդ մասին խոսք չկա:

Գարագաշյանին ակնհայտ է մնում նաև նոր մեթոդի առաջացման պատճառը և այն դիտվում է սոսկ որպես թեորիական մտքի բաղմամբիվ խոտորումների արդյունք: Էնդեկսի նշած այն ճշմարտությունը, որ բնագիտությունն ու արդյունաբերությունն են հանդիսանում փրկսոփայության զարգացման հիմքը, անմատչելի բնագավառ մնաց ողջ նախամարքսյան մտածողների համար: Վերջիններս լավագույն դեպքում արտադրությունից անկախ քննելով մտածողության զարգացումը, արձանագրում էին այս կամ այն նորություն առաջացման կամ գոյության փաստը և երկըրպագության գահին բարձրացնում թեորիայի, գիտության՝ տեխնիկայի ու արտադրության համար ունեցած նշանակությունը:

Անհրաժեշտ է նշել նաև այն հանգամանքը, որ Գարագաշյանի մոտ մեթոդի ըմբռնումը նեղ է և չի համընկնում դիալեկտիկական մատերիալիզմի համանուն կատեգորիայի ըմբռնման հետ: Ընդհանրապես նախամարքսյան մատերիալիստների մոտ մեթոդի ըմբռնումը գտնվում է ընդհանուր մետաֆիզիկական մտածելակերպի շրջանակներում՝ կապվելով ճանաչողության տարբեր կողմերի (դգայականի կամ տրամաբանականի, ինդուկցիայի կամ դեդուկցիայի) կամ հակադրական այլ և այլ մոտեցումների հետ (վերացական ենթադրությունների, հայտնության և այլն):

Փրկսոփայության պատմության մեջ առարկայի և մեթոդների փոփոխության հետ միասին, ըստ Գարագաշյանի, համապատասխանորեն փոփոխվում է նաև փրկսոփայության սկզբունքները, այսինքն՝ այն հիմնական դրույթները, որոնցով բնորոշվում և տարբերվում են փրկսոփայական տարբեր դպրոցներ ու տարբեր ուղղություններ: Այսպես՝ մինչսոկրատյան շրջանի հունական փրկսոփայությունը սկզբունքով տեսական կամ մտավորական է, այսինքն՝ ճանչնալ կուղե ընդհանուր սկզբունքներ: Այս դպրոցը հիմնականում զրադվում է տիեզերքի կազմության հարցով և, իրերի սկիզբը նյութի այս կամ այն վիճակի մեջ փնտրելով՝ հետևում է ճյուղավանդությանը, իսկ Պլուտարխոսյան դպրոցը թիրաջ սկիզբը թվոց հարարերության մեջ դնելուն համար գաղափարական է: Գարագաշյանը Հերակլիտի դիալեկտիկական կրատիկյան ռեալիզմի ոգով ըմբռնեց և այն հիմք ծառայեցրեց Հերակլիտին՝ զգացությունների ստուգությունը ժխտելու մեջ մեղադրելու համար: Նման մոտեցման հիմքը մի կողմից պետք է փնտրել Հերակլիտի մասին փրկսոփայության պատմության մեջ գոյություն ունեցող հակասական ու երբեմն էլ սխալ կարծիքների (որոշ դեպքերում էլ այդ կարծիքների տիրապետության) մեջ, մյուս կողմից նրանում, որ Գարագաշյանի ընդհանուր մետաֆիզիկական մտածելակերպին անհասկանալի պիտի մնար (և իրոք մնաց) հունական նախ և հետադիալեկտիկական:

Երկրորդ շրջանի փրկսոփայությունը սկզբունքով ռաբոյական է, այսինքն՝ ճանչնալ և ուղղել կուղե կյանքը: Այս կապակցությամբ Գարա-

¹ Համառոտ պատմություն փրկսոփայության, էջ 75:

գաշյանը պաշտպանության տակ է առնում Էպիկուրի բարոյափիլիսոփայությունը հետագա այն աղավաղումներից, երբ ոմանք «էպիկուրյան մաքուր հեշտությունը հեշտասիրական զգացականության» (sensualisme voluptueux) փոխեցին և ասոր մեղադրանքը անիրավի էպիկուրոսի վրա ընկավ¹։

Ընդհանրապես Գարագաշյանը փիլիսոփայական տարրեր դպրոցների սկզբունքների շարագրման ժամանակ ոչ միայն պաշտպանում է մատերիալիստ մտածողներին, այլև, նրանց մոտ հայացքների տատանման դեպքում, ընդգծում է մատերիալիստական կողմը։ Օրինակ՝ Արիստոտելի փիլիսոփայության գարագաշյանական շարագրման մեջ հիմնականում նրա գնոսելոգիայի մատերիալիստական կողմն է երևում։ Պատահական չէ, որ փիլիսոփայական իդեալիզմի գլուխը Պլատոնին համարելով, Գարագաշյանը Արիստոտելին է վերապահում «նյութականության» գլուխը համարվելու պատիվը, չնայած վերջինս Պլատոնի բնածին իդեաների քննադատությամբ հանդերձ, օնտոլոգիայի հարցերում մնում է իդեալիզմի դիրքերում։ Որպեսզի հասկանալի լինի, թե տվյալ մտածողի աշխարհայացքը բնորոշելու համար ինչ նշանակություն ունի Արիստոտելի հակասական փիլիսոփայության գնահատման հարցը, բավական է հիշել, որ նեոկանտական Վինդեղիբանդը Արիստոտելի կողմից Պլատոնի բնածին իդեաների քննադատությունը դիտում է ինչ թե որպես իդեալիզմի քննադատության, այլ սոսկ իրրե Պլատոնի ուսմունքի թույլ կողմի քննադատությունը, որը Վինդեղիբանդի կարծիքով աշխարհի երկակիացման ժխտումը և իդեականի ու զգայականի նույնացումն է։ Վինդեղիբանդը ցավում է, որ հետագա ուսումնասիրողների համար Արիստոտելի այդ բանավեճը իրրե քողարկել է վերջինիս «խնդիրն հասկանալի» կախվածությունը Պլատոնից²։ Մինչդեռ Վ. Ի. Լենինը մատնացույց անելով Հեգելի լուծյալությունը պլատոնյան բնածին իդեաների՝ Արիստոտելի քննադատության մասին, վերջինիս քննադատությունը համարել է իդեալիզմի քննադատությունը բնահանրապես Այնուամենայնիվ Լենինը այդ քննադատությունը դիտում է որպես մեկ իդեալիստի քննադատությունը մյուսի կողմից³։

Ինչպես տեսանք, փիլիսոփայության դիտական սկզբունքների ստեղծումը Գարագաշյանը կապում է նոր շրջանի փիլիսոփայության ուղղորնափոխման, Բեկոնի փիլիսոփայության սկզբնափոխման հետ, Բեկոնի փիլիսոփայության «եղծիչ» և «նորոգիչ» մասերի, 'Ինկարտի «տարակուսանքի մեթոդի» և բանականության իրավունքի հռչակման հետ։ Նա Բեկոնին համեմատում է մեծ ճանապարհի եզրին անշարժ կանգնած այն արձանի հետ, որը անցորդներին մատնացույց է անում ճշմարտության հասնելու ճանապարհը։ Այս գործնական փիլիսոփայության դարգացման ուղղությամբ Գարագաշյանը մեծ ուղղույթ է համարում 18-րդ դարի ֆրանսիական փիլիսոփայական դպրոցը, որը «քննադատության սկիզբը դրեց» և «խորհելու ազատության ոգին ծնեց Եվրոպիո մեջ»։ Բեկոնյան դժին է պարտական դիտությունն իր ժամանակակից նվաճումներով և ապագա առաջընթացով։

¹ Համոռոտ պատմություն փիլիսոփայության, էջ 30։

² Տե՛ս. Виндельбант, История древней философии, С. - Петербург, 1902, стр. 213.

³ Տե՛ս. В. И. Ленин, Философские тетради, 1947, стр. 264.

Ինչպես ասացինք, Գարագաշյանը գերմանական կլասիկ փիլիսոփայությունից առանձնացնում է Կանտին, որի փիլիսոփայությունը նրա կարծիքով, թեպետ «վերացական (transcendental)» է, բայց մեծ ուժ տվեց Իեկոնյան փիլիսոփայությանը և մեծ հարված զաղափարականությանը: Կանտի ծառայությունները Գարագաշյանը տեսնում է ճանաչողության հարցերի քննության մեջ, առարկայի և նրա մասին կազմված պատկերի տարբերման մեջ, այսինքն՝ այն բանի մեջ, ինչ իրոք իր երկրեստում գրական է: Անկասկած ճիշտ է, որ երևույթը չի համընկնում էություն հետ, որ առարկան չի սպառվում իր արտացոլումով: Արտացոլվածը ամենուրեք շատ ավելի ազդատ է, քան արտացոլողը, մեր պատկերացումներն ու հասկացողությունները հարաբերաբար ճիշտ արտացոլելով առարկաներն ու երևույթները՝ լրիվ չեն համընկնում վերջիններիս բովանդակության ողջ հարստության հետ: Սակայն Գարագաշյանը չտեսավ, որ Կանտի մոտ այդ տարբերումը հասցվում է անջատման սահմաններին, դրանով իսկ հոգ ստեղծում մեր գիտելիքների օբյեկտիվ բովանդակության ժխտման և ագնոստիցիզմին անցնելու համար: Մարդկային բանականությանը միայն երկվույթը հասու համարելը և վերջինիս բացարձակ սահմանադատումը էությունից՝ իրրե կանտականության ոգի, անմատչելի մնաց Գարագաշյանին: Նա Կանտի փիլիսոփայության մեջ տեսավ բանականության նոր փայլ, որը օգնության է գալիս բեկոնյան էմպիրիզմին բնության ճանաչման պրոպեոսում, բայց նա չտեսավ այդ փայլի ինքնակուրացման էությունը: Ինչպես այդ նկատեցինք նաև Դեկարտի մեթոդի զննատման ժամանակ, Գարագաշյանը, որպես կանոն, իդեալիստների մոտ ընդգծում է այն, ինչով իդեալիստը կապվում է իրականության հետ: Ճանաչողության բոլոր կողմերի զննատման Գարագաշյանի գրական ձգտումը տվյալ պայմաններում հնարավորություն չի տալիս նրան իդեալիստական սիստեմների մեջ տեսնելու: Հայտնի միակողմանիություններն ու իրականության հետ ընդհանրություն չունեցող ազավաղումները Գարագաշյանը ընդգծում է ճշմարտության այն հատիկը, որը սաղմ է ծառայել ողջ սիստեմի ստեղծման համար: Հաճախ նա չի տեսնում այդ սիստեմների հակադիտական կողմերը, իսկ երբեմն էլ, նման անքննադատ վերաբերմունքի պատճառով, տուրք է տալիս որոշ սիստեմների այս կամ այն կողմին, ինչպես այդ երևում է հատկապես 60-ական թվականների ճանաչողության թեորիայում կանտականության՝ նրա վրա ունեցած ազդեցության փաստից:

Սակայն անհրաժեշտ է նշել, որ Գարագաշյանը բոլորովին էլ նման վերաբերմունք չունի բացարձակ իդեալիստական սիստեմների նկատմամբ, այլ հատկապես այն մտածողների հայացքներն է այդ ձևով վերլուծում, որոնք հիմնականում տատանվում են երկու ուղղությունների միջև (օրինակ՝ Արիստոտել, Դեկարտ, Գանտ):

Այսպես է ըմբռնում Գարագաշյանը փիլիսոփայությունը և նրա զարգացման օրինաչափությունները: